



Anna Wangenheim
Inatsisartunut ilaasortaq, Demokraatit

§ 37 naapertorlugu apeqqutip nr. 064/2024-p akineqarnera

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Apeqqutit uagutsinnit akisassanngorlugit innersuussutigineqartut qujassuteqarfigaagut. Apeqqutit issuarneqartarput tamatumalu kingorna akineqarlutik.

1. **Naalakkersuisut paasissutissiissutigisinnaanerpaat DIH-p illuutaani tarnikkut katsorsaavittaani oqoqarneranik ilisimasaqarnerlutik?**
 - a. **Kisitsisaateqartoqarpa imaluunniit misissuinerit, ilisimasamik taassuminnga aappimik naaggamilluunniit uppersaataasinnaasunik? (Nalunaarusiamik assigiisaanilluunniit ilanngussinissaq kissaatigineqarpoq)**

Akissut:

DIH-p illuutaani tarnimikkut nappatillit immikkoortortaarfiani oqoqarnera pillugu paasissutissanik Naalakkersuisut tigusaqarnikuunngillat.

2. **Naalakkersuisut ilisimasaqarnerpat sulisoqarnersoq oqoqarnerup aamma/imaluunniit illup iluata silaannalunnerata kingunerisaanik malunniutinik peqartoqarneranik?**
 - a. **Ilumoorpat, periarfissat suut piffissap sivikitsup iluani aaqqiissutissatut periarfissaappat?**

Akissut:

Apeqqummut 1-imut akissut innersuussutigineqarpoq. Suliffeqarfigisami oqoqarnera imaluunniit illup iluata silaannalunnera pillugu sulisutut pasitsaassisimagaanni, aqputit eqqortut atorneqartarnissaat Naalakkersuisut kaammattuutigissavaat. Nalornissuseqaraanni najukkami aqutsisorisaq attavigineqarsinnaavoq.

3. **Naalakkersuisut tarnikkut katsorsaavimmi sillimaniarnermut pissutsit qanoq misigaat eqqarsaatigigaanni, Danmarkimi arlalinnik toqutsisoqarnera sillimaniarnermut amigaateqarneq peqqtugalugu?**
 - a. **Naalakkersuisut oqaatigisinnaanerlugu, suut sillimaniarnermut suliniutit, pitsanngorsartariaqarneri piffissami sivikitsumi piffissarlu ungasinnerusoq eqqarsaatigalugu?**
 - b. **Naalakkersuisut tarnikkut nappaatinut inatsisip allanngortinnissaa tamakku tunngavigalugit tunngavissaqartippaat?**

Akissut:

Aallarniutigalugu oqaatigineqassaaq ukiualunnguit matuma siornatigut tarnikkut katsorsaasarneq pillugu inatsit nutarterneqarnikummat taamaattumillu

24-04-2024
Suliap normua 2024 - 7994
All. nr. 24087871

Postboks 1160
Oqarasuaat:
34 50 00
Fax: 34 55 05
3900 Nuuk

Email: pn@nanog.gl
www.naalakkersuisut.gl

naammaginartumik piffissamut naleqquttutut ataatsimut isigalugu isigineqarsinnaalluni. Inatsimmi naleqqussaasoqartariaqarneranik kinguneqarsinnaasumik ingerlatsinermi, matumani tarnikkut napparsimasunik sullissinermi unammilligassaqaqarnersoq paasiniallugu peqqinnissaqarfimmi aqutsisut ingerlaavartumik oqaloqatigineqartarput, maannakkulli taamaattoqanngitsoq nalilerneqarpoq.

4. Qaagugumut Naalackersuisut naatsorsuutigaat, maani nunatsinni tarnikkut napparsimasunut aalajangersimasumik Region Hovedstaden-miit tarnip nappaataanut immikkut ittumik nakorsamik aalajangersimasumik atuisoqalernissaa, arlallit, tassanilu aamma Folketingip, ikiorniarluta neriorsuereernerisigut?

Akissut:

Nikittaattaattarnissamut aqqissuussineq aqutugalugu Kalaallit Nunaanni tarnikkut nappaatilinnut immikkoortartaqarfimmi tarnip nappaataanut nakorsap ukiumi ataatsimi sulinissaanut tunngatillugu Region Hovedstadens Psykiatri oqaloqatigineqarpoq. Piffissami matumani ullut aalajangersimasut paasissutissiissutiginnissaat periarfissaqanngilaq.

5. Inersimasunut tarnikkut napparsimasunut Naalackersuisut politikikkut pingaartitaat suuppat?

Akissut:

Munatsinni peqqinnissaqarfimmik nukittorsaanissaq siunertaralugu 2023-imi Inatsisartuni partiit amerlanerussuteqartut peqqissutsimut tunngatillugu isumaqatigiissuteqarput.

Peqqissutsimut tunngatillugu isumaqatigiissutip tarnikkut nappaatilinnut immikkoortartaqarfimmi ukiup ataatsip - ukiut pingasut ingerlanerani anguniakkat arlallit allattorneqarsimapput:

- Tarnikut katsorsagassanut inissat amerlanerit qulakkeerneqassapput.
- Kalaallit Nunaanni ataatsimut tarnikkut napparsimasunik sullissinermut ineriartortitsinissamut pilersaaruserneq
- Suleriaatsini imminut toquttarnermik pinaveersaartitsinissaq pillugu periutsimit nutaamit suliniutaasussanik atulersitsineq.

Ukiut tallimat ingerlaneranni anguniagaq:

- Tarnimikkut nappaatillit illussaannik nutaamik atulersitsinissamut pilersaaruserneq

Partiinut isumaqatigiissuteqarsimaneq malillugu peqqissutsimut tunngatillugu isumaqatigiissutip imarisaata piviusunngortinnissaanut aallussilluni sulisoqassasoq Naalackersuisunit siunertarineqarpoq.

6. Nuna tamakkerlugu ADHD-mik innarluuteqartut amerliartornerinut Naalackersuisut politikikkut pingaartitaat suuppat?

Akissut:

Tarnikkut nappaatillit immikkoortartaqarfia ukiuni tullerijaani arlalinni inissaqartitsiniarnikkut sulisoqarniarnikkullu unammilligassaqaqarsimavoq, tarnikkut nappaatillit katsorsarneqarnissamik pisariaqartitsinerpaat qitiutinneqartariaqarsimapput, illuatungaani napparsimasut ingasanngitsumik imaluunniit sakkukinnerusumik nappaatiminnit ersiutillit qulaajaaffigineqarnissaminnut katsorsarneqarnissaminnullu utaqqisinneqartariaqarsimapput imaluunniit

nalinginnaasumik nakorsaatinik katsorsarneqartarlutik. Apeqqutinut siulianiittunut akissutitut nassuiaatigineqartut peqqissutsimut tunngatillugu isumaqatigiissummi pingaarnersiorneqartut isumaqatigiissutigineqartullu aallaavigalugit Naalackersuisut sulipput, tassunga ilanngullugu napparsimasut ingasanngitsumik sakkukinnerusumillu nappaatiminnit ersiutillit qulaajaavineqarnissaannut utaqqinermik sivikinnerulersitsisinnaasumik tarnikkut nappaatillit immikkoortortaqaafiannik nukittorsaaneq.

7. Qaqugu Naalackersuisut tarnimikkut napparsimasunut katsorsaaviup allilernerqarneranut atasumik aammalu tarnikkut napparsimasunut sulisut amerlassusissaannik inatsisiliornermut atasumik nukinnik aningaasanillu pisariaqartinneqartunik tunniussaqaarniarpat?

Akissut:

"Qaqugu Naalackersuisut tarnimikkut napparsimasunut katsorsaaviup allilernerqarneranut atasumik nukinnik aningaasanillu pisariaqartinneqartunik tunniussiniarpat" atorlugu qanoq isumaqartoqarnersoq Naalackersuisut paasinngilaat.

Matumani ilisimatitsissutigineqarsinnaavoq 2024-mut aningaasanut inatsimmi kontumut 34.11.02 Napparsimasut nunani allani katsorsarneqartarnerat, tarnikkut nappaatit (Ingerlatsinermut aningaasaliissutit) aningaasaliissutit ukiumut 3,406 mio. kr.-inik amerlineqarnikummata.

8. Naalackersuisut suliamut soqutiginaatilinnik allanik paasissutissiisnaava?

Akissut:

Naamik, Naalackersuisut allanik paasissutissaateqanngillat.

Inussiarnersumik inuulluaqqusillunga


Agathe Fontain